



## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

Quòd in Seleucensi Concilio Acacius Caesariensis aliu[m] fidei libellum  
recitauit, quodq[ue] Acacius & illius sententiae sectatores, vbi ab  
occidente redierat Imperator, Constantinopoli coeuntes, ...

**urn:nbn:de:hbz:466:1-12704**

te contentio exorta, eos qui aderant, variè distraxit: quæ res origo & causa fuit, ut illud conciliū Seleuciæ in duas partes diuidetur: quarū alteri Acacius Cæsareæ Palæstinæ episcopus, Georgius Alexandriæ, Vrsacius Tyri, & Eudoxius Antiochiæ, cum quibus triginta alij solum conspirabāt, præ fuere: alteri Georgius Laodicææ urbis Syriæ episcopus, Sophronius Pompeiopolis, quæ est in Paphlagonia, & Eleusius Cyzici: cū quibus alij etiam cōplures consentiebant. Postquam illa vicerat sententia, quæ primū de fide queri voluit, qui à partibus Acacij stabant, fidē Nicænam plane arrogandam, aliam nouā describendā significarūt: qui autē alteri parti adhærescebant (ac plures hi quidem numero fuere) alia omnia in cōcilio Nicæno confirmata approbarunt, verbo Consubstantiali solo ieiecto. Quare cū multū ipsi inter se vsq; ad vesperū digladiati fuissent, tandem Siluanus ecclesiæ Tarsensis antistes magnopere vociferabatur, nullā nouā fidei formulā describendam es̄e, sed eam, quę Antiochię in dedicatione ecclesiæ descripta erat, debeire integrā seruari. Quod cū dixisset, qui partibus fauebāt Acacij, se inde subducunt: qui autē in alteram partē propendebant, fidei formulam Antiochiæ editā in mediū proferunt: atq; illa perlecta, conciliū illo die dimissum est. Postridie vero in Ecclesiam, quæ est Seleuciæ conuenientes, foribus occlusis, fidei formulam perlectā, subscriptionibus suis ratā fecere. Pro illis autem, qui desiderabantur, eorum lectores & diaconi ibi tū præsentes (nam qui aberant, per illos se fidei decisionem apobaturos significauerant) illi formulæ subscripserunt.

*Quod in Seleucensi Concilio Acacius Cæsariensis aliū  
fidei libellum recitauit, quodq; Acacius & illius  
sententiae sectatores, vbi ab occidente redierat Im-  
perator, Constantinopoli coeuntes, Conciliū Ari-  
minense ratum habuerunt, atque illi addiderunt  
nonnulla.* CAP. XXXII.

**A**B Acacio autē, & eius factione, ea quę in illo cōcilio cōfecta erāt, propterea admodū reprehēdebantur, quod occlusis ecclesiæ ianuis, illis subscripserant. Nam ea, inquit Acaci⁹, quæ in occulto gerūtur, ut neutiquā probari debet,

## SOCRATIS HISTORIAE

Ita sunt plena admodum suspicionis. Ista vero dicebat, quod esset illi in animo alteram fidei formulam, quam habebat ibi paratam, introducere. Eam igitur coram principibus Lauricio, & Leona perlegit: ad quam solam stabilendam omni cura & cogitatione incubuit. Secundo die concilij haec acta sunt, preterea nihil. Tertio autem, Leonas dedit operam, ut pars vtraque in unum conueniret: quo quidem die, tum Macedonius episcopus Constantinopolis, tum filius Ancyre aderat. Et cum vtrique isti in unam eandemque partem, Acacio videlicet aduersariam, conuenissent, Acaciana factio ad concilium accedere noluit: oportere inquiens, eos ante esse conuentu ejici, qui etiam dudum abdicati fuerant, & in presentia erant insimulati. Vbi vero post multam contentionem, haec pars fuit superior, decedunt est concilio hi, qui erant accusati: in quorum locum Acacius cum suis succedit. Tum Leonas ait quidem libellum sibi ab Acacio datum: sed quod fidei formula esset, quae eorum sententia, qui partes contrarias tuebatur, partim clam, partim palam & aperte oppugnabat, eos prorsus celavit. Postquam illi, qui aderant, conquieuerent, pro certo persuasi libellum nihil minus, quam fidei formulam in se complecti, tandem fidei formula ab Acacio composita cum proemio perfecta est: quae se habet ac hunc modum. A nobis quidem, qui here, hoc est ad quintum Calend. Octobris ex Imperatoris edito Seleuciæ urbis Isauriæ conuenimus, summo studio laboratum est, ut pax in ecclesia ritè conseruaretur, de quod fide, sicut propheticæ, euangelicæq; voces nos docent (ita enim à sanctissimo Imperatore Constantio imperatum est) trans, quillis sedatisq; animis disceptaretur: atque adeo nihil contra sacras scripturas in fidem induceretur ecclesiasticam. Verum cum essent in concilio nonnulli, qui hos contumeliis vexare, illis ora obturare, loquiq; prohibere, alios invitatos excludere, quosdam ex variis prouinciis, qui erant abdicati, sibi adiungere, eosque contra veterem ecclesiæ canonem secum habere cœperunt, ipsum concilium (sicut Lauricius illustrissimus prouinciae prefectus suis ipsius oculis coram aspexit) grauiissimo tumultu sane redundauit. Sed quorsum ista? ut intelligatis nos fidem in dedicatione ecclesiæ Antiochiæ celebrata, expositam confirmatamque minimè rej-

cere

, cere, sed eam hic in medium adducere: quandoquidem con-  
stat patres nostros id temporis in hac proposita de fide cō-  
trouersia inter ipsos consensisse: Verūm quoniam hæ vo-  
ces, Consubstantiale, & æquiconsubstantiale, cum superio-  
ribus temporibus, tum adhuc nonnullorum animos mag-  
nopere conturbant, atque adeò fides à quibusdam, qui filiū  
patri dissimilem assertur, nouari dicitur, idcirco tum Con-  
substantiale, tū æquiconsubstantiale, tanquam verba à scri-  
pturis abhorrentia reijcimus, tum verbum dissimile, anathe-  
ma indicamus: omnesq; qui illius verbi patrocinium susci-  
piunt, ab ecclesia ducimus penitus alienos: similitudinem  
autem filij cum patre fatemur manifestò, Apostolum sicuti  
de filio sic loquentem: qui est imago Dei inuisibilis. Con-  
fitemur igitur & credimus in vnum Deum, patrem omnipo-  
tentem, effectorem cælorum & terræ, visibilium & inuisibi-  
lium. Credimus quoque in dominum nostrū Iesum Chri-  
stum filium eius, ab eo sine affectione ante omnia secula ge-  
nitum, Deum verbum, de Deo vnigenitum, lumen, vitam,  
veritatem, sapientiam: per quem omnia facta sunt, tum quæ  
in cælis, tum quæ in terris, siue visibilia illa sunt, siue inuisi-  
bilia. Hunc credimus in fine seculorum carnem ex sancta  
virgine Maria sumpsisse, quo peccata deleret: hominem fa-  
ctum, passum pro peccatis nostris: resurrexisse, ascendisse in  
cælos, sedere ad dexteram patris: & iterum venturū cum glo-  
ria iudicare viuos & mortuos. Credimus etiam in spiritum  
sanctum, quem & paracletum nominavit feruator & Do-  
minus noster, promittens se cum post discensem suum di-  
scipulis suis missurum, quem quidem misit: per quem cre-  
dentes in ecclesia, & baptizatos in nomine patris, & filii, &  
spiritus sancti sanctificat. Eos autem, qui preter hanc fidem,  
aliam ullam prædicauerint, alienos ab ecclesia catholica de-  
cernimus. Ista quidem fidei formula fuit ab Acacio edita.  
Cui tum Acacius, tum eius factionis fautores, qui totidem  
erant numero, quot paulo ante commemorauit, subscripsere.  
Contra quam, cum erat perlecta, Sophronius Pompeiopo-  
lis, quæ est in Paphlagonia episcopus, ad hunc modum (eius  
enim verbis utar) vociferatus est. Si noua in dies singulos  
nostræ ipsorum voluntatis & sententiæ prolatione, sit formu-  
la fidei, fieri non potest quin accuratam veritatis perceptio-

## SOCRATIS HISTORIAE

nem simus breui prorsus amissuri. Sic Sophronium locutū accepimus. Ac meo quidem iudicio, si qui eum ætate ante-  
irent, quicq; eodem tempore cum illo viuerent, eadem sem-  
per de fide concilij Nicæni in animos induxissent, omnis  
seditionis & turbulenta concertatio prorsus extincta fuisset,  
hicq; temerarius & inconsultus in ecclesiis tumultus mini-  
mè dominatus esset. Verū quēadmodum istæ res se habeat,  
viderint illi, qui plus intelligentia pollut & solertia. Vbi  
multa de hac re, dēque illis, qui essent in crimen vocati, ipsi  
inter se vltro citroq; agitassent, tandem cōcilium dimisum  
est. Quarto die in vnū conueniunt omnes: iterum verbis di-  
gladiantur. Inter quos Acacius talem profert sententiam: si  
fides Nicæna erat olim semel mutata, & postea sapient, quid  
obstat, quo minus etiā iam noua fidei formula describatur.  
Ad quem respondet Eleusius, concilium in præsentia con-  
uocatum, non vt discat, quæ didicerit, neq; vt fidē accipiat,  
quam nō habuerit, sed vt in fide patrū incedēs, ab ea ad ex-  
tremum vitæ diē non aliquando deflectat. Eiusmodi verbis  
Acacij sententiæ occurrit Eleusius, fidem patrū, fidē Antio-  
chiae expositam appellans. At huic etiā poterit occurri: quo  
modo, Eleusi, eos qui Antiochiae cōuenerunt, patres nomi-  
nas, illorū aut̄ maiores, patres esse inficiari? Nam qui fuere  
Nicæae coacti, fidei q; Cōsubstantialis consenserunt, magis  
propriè patres vocari poterunt, tum quod tempore antecelle-  
rint, tum quod qui cōuenerunt Antiochiae, ab illis fuerunt  
ad sacerdotij dignitatem delecti. Quod si qui Antiochiae  
erant congregati, suos ipsorum patres ē medio sustulerūt, isti  
illorum posteri parricidas imprudentes sequuntur. Et qua  
ratione, amabo, eorū delectum & ordinationē tāquam pro-  
babam & spectatā amplectuntur, fidem autē tanquā parum fin-  
ceram & exploratā irritā faciūt? Nam si illi spiritū sanctum  
non habebant, qui per ordinationem in quēq; descēdit, isti  
sacerdotij functionem non acceperunt. Qui enim accipere  
potuerunt, cū daretur ab iis, qui cū non habuere? Ista certè  
contra Eleusi sententiam non inscitè dici possunt. Rursus  
alia inter ipsos orta est quæstio. Cūm enim factio Acaciana  
in fidei formula perlecta, filiū dei patri similē affereret, que-  
sitū est, quā in re filius similis esset patri. Respōdet Acacius,  
filiū non substantia, sed sola voluntate patri similē esse. At

par

pars aduersaria, eum substantia patri similē constanter affir-  
 mavit. De hac controuersia toto illo die certatū est. Acaci-  
 usq; probè refutatus, cum quereretur ab illo qua ratione in  
 libris, quos ediderat, filium omnibus in rebus patri similem  
 affirmasset, iam tamen similitudinē, quæ est filij cū patre per  
 substantiam omnino denegaret. Tum ille, nemo, inquit, vel  
 qui olim, vel qui recētiore memoria fuit, ex libris, quos scri-  
 pserit, dijudicari solet. Cū multa essent de hac controuersia  
 in vtramq; partē accuratē disputata, nec tamē posset de illa  
 inter eos conuenire, Leonas confurgens cōcīlīum dimisit.  
 Hunc igitur exitū habuit concilium Seleuciæ congregatū.  
 Postridie eius diei, cū de eo continuando rogaretur, noluit  
 denuò cū illis in vnū locū cōuenire, sed dixit se ab Impera-  
 tore missum, vt cōcīlio concordi interesset: Verū cum non-  
 nulli inter se dissident, nō possum, inquit, adesse. Abite et  
 go, & in ecclesia nugas agite. Qua re confecta, Acaciana fa-  
 ctio occasionē, quam optabat, sibi oblatā existimans, ad con-  
 cilium denuò accedere recusauit. Qui autē alterius partis  
 erant, in ecclesiam cōuenientes, accersunt Acacium cū suis,  
 quo de Cyrillo Hierosolymorum episcopo decideretur.  
 Hoc loco intelligam⁹ oportet, Cyrillū iam antea accusatū  
 fuisse (qua de re certè non habeo dicere) & ab episcopatu  
 summotū, quod sēpē numero, vt de eo decernetur, accersi-  
 tus, iā per duos annos cōtinuos, vti eo p̄acto criminatiōe ela-  
 beret, nō omnino cōparuerit. Qui simul atq; de gradu esset  
 deiectus, appellationis libello ad eos, qui eū deicerāt, mis-  
 so, ad maiores iudices prouocauit. Cui quidē appellationi  
 Constantius Imperator suffragatus est. Atq; à Cyrillo solo  
 ac primo perinde ac si res apud laicos iudices ageretur, con-  
 tra canonis ecclesiastici consuetudinē prouocatum est. Tan-  
 dem Seleuciam, vti de eo iudicium fieret, aduentauit: & ob  
 eam causam episcopi Acacium cum suis, vt paulò ante dixi,  
 accersuere, quo nō solū de Cyrillo, verū etiam de illis reis,  
 qui ad partes Acacij cōfugissent, decideretur. At vbi sēpius  
 accersiti non venerunt, illum ipsum Acacium, Georgiū etiā  
 episcopum Alexādriæ, Vrsaciū Tyri, Theodorū Chāreta- *Mitilene*  
 porum vrbis Phrygiæ, Theodosiū Philadelphiæ, quæ est in *iam dici-*  
 Lydia, Euagriū Mitylenes insulæ, Leontium Tripolis Ly- *tur quæ*  
 dia, & Eudoxium, qui primum Germanicię episcopus fuit, *olim Lef-*  
*postea bos.*

## SOCRATIS HISTORIAE

postea episcopatum Antiochiae, quæ est in Syria, callide adeptus est; abdicarunt: quinetiam Patrophilum, quod à Dorotheo presbytero accusatus, & ab ipsis accersitus, non morrem gessisset. Atque istos solum abdicarunt. Asterium autem, Eusebium, Abgarum, Basilicum, Philum, Philedium, Eutychium, Magnum, & Eustathium excommunicarunt, decreueruntq; ut usque eo in illo manerent statu, quoad ipsi pro se respondentes sua crimina diluerent. Quibus rebus confectis, literisque ad abdicatorum ecclesias, quæ illas de ipsis certiores facerent, datis, Anianum loco Eudoxij episcopum Antiochij constituunt: quem factio Acaciana comprehendens, Leonie & Lauricio tradit. Illi eum in exilium ejiciunt. Quo facto, episcopi qui Anianum ordinauerant, contestatione apud Leonam & Lauricium contra factionem Acacianam usi sunt: qua significabant iudicium concilij violatum esse. Cæterum ubi nihil prosecere, Constantinopolim, quo de rebus à se in cōcilio iudicatis imperatorem docerent, rectâ contendunt. Imperator enim à partibus ad occidentem spectantibus eo reuerterat, & per idem tempus proconsulū magistratu penitus sublato, Honoratum præfectum Constantinopolis creauerat: At Acacius eos præuentis, calumniari apud Imperatorem, eumq; docere cœpit, fidei formulam ab illis editam non admittendam esse. Itaque Imperator rem indignè & grauiter ferens, constituit eorum societatem diuellere, legeque sanciuit, eos, qui publica munera obirent (etenim nonnulli eorum ad publicam administrationem acciti, pars ex senatotum numero fuerunt, pars magistratus geslerunt in prouinciis) ad priuatam vitæ conditionem redigerentur. Dum ita turbatum est, Acacius & eius fautores manserē Constantinopoli, & Episcopis Bythiniæ accersitis aliud concilium constituere. Erant omnes numero quinquaginta: quibus accessit Maris episcopus Chalcedonis: fidei formulam Arimini perlectam, ante cuius initium consules scripti erant, cōfirmant. Quam quidem hoc loco citare esset superuacaneum, si modo illi ipsis nihil adiecerint: sed quoniam quedam verba sunt ab illis adiuncta, necessum est denuò eandem hic ascribere, quæ ita se habet.

Credimus in vnum Deum, patrem omnipotentem, ex quo omnia. Et in vnigenitū filium Dei, ante omnia secula,  
& ante

, & ante omne principium ex Deo genitum: per quem omnia  
, facta sunt, visibilia & inuisibilia: vnigenitum solum ex solo  
, patre genitum: Deum de Deo, similem patri, qui eū genuit  
, secundum scripturas: cuius generationē vt literae sacræ te-  
, stantur, nemo nouit, nisi solus pater, qui genuit illum. Hūc  
, nouimus vnigenitum Dei filium à patre missum, descendisse  
, de cælis, sicut scriptum est, & cum discipulis versatum esse,  
, & vniuersa œconomia plene iuxta patris voluntatem expli-  
, ta, crucifixum, mortuum, & sepultum: descendisse ad infe-  
, ros, quem infernus ipse exhorruit: resurrexisse à mortuis  
, tertia die, versatum denuò cum discipulis: & diebus quadra-  
, ginta completis, assumptum ad cælos: sedere ad dexteram  
, patris: venturum in extremo resurrectionis die, cum gloria  
, patris, vt reddat vnicuique iuxta opera sua. Et in spiritum  
, sanctum, quem ipse vnigenitus Dei filius, Christus, Domi-  
, nus & Deus noster promisit se missurum generi humano pa-  
, racletum, sicut scriptum est, spiritum veritatis, quem ipse mi-  
, sit, quando assumptus erat ad cælos. Nomen autem substanciæ,  
, quod à pluribus simpliciter ponebatur, quia erat igno-  
, ratum à populo, offendiculū peperit. Visum est igitur, quo-  
, niam in scripturis nusquam reperitur, illud omnino tollere,  
, & quia diuina eloquia de patris & filij substantia non me-  
, minerunt, nullam deinceps illius facere mentionem. Nam  
, subsistētia patris, & filij, & spiritus sancti, ne nominari qui-  
, dem debet. Nos ergo, sicut literæ sacræ nos docent, filium  
, similem patri dicimus. Omnes autem heres, & quæ iam  
, antea condemnatae sunt, & quæ nuper exortæ, si huic fidei  
, formulae modo expositæ repugnant, anathema sunt. Ista  
, Constantinopoli eo tempore fuere perfecta. Nos verò tan-  
, quam labyrintho formularum tandem aliquādo perecurso,  
, earum numerum iam breuiter colligamus. Post fidei formu-  
, lam in concilio Nicæno editam, duas alias Antiochiæ tem-  
, pore dedicationis ecclesiæ descriptæ sunt episcopi: tercia ab  
, episcopis qui cū Narciso erāt in Gallia facta est, imperato-  
, riq; Cōstantino donata. Quarta per Eudoxiū episcopis Ita-  
, lia missa. Tres item Sirmij scriptis proditæ: quarū una cum  
, Coss. a scriptis Arimini perfecta est. Octaua Seleuciaæ diuul-  
, gata, quam factio Acaciana legendam curauerat. Nona &  
, yltima Constantinopoli cum accessione exposita. Erat nāq;

## SOCRATIS HISTORIAE

huic adiunctum, ut nulla mentio vel substantiae, vel substantiae diuinæ fieret. Cui Vlphilas Gotthorum episcopus, tum primum assentiebatur. Nam ante illud tempus Theophili vestigia, qui episcopus Gotthorum erat, quiq; cū concilio Nicæno intercesserat, ei subscripsit, sedulo persecutus, fidé Nicæe stabilita amplexatus est. Sed de istis hoc modo.

*Quod abdicato Macedonio, Eudoxius episcopatum  
Constantinopolitanū capessebat, & de Eustathio  
Sebastię Episcopo. CAP. XXXIII.*

**A**B Acacio etiam, Eudoxio, & illorum fautoribus Constantinopoli maximo studio & contentione animi laboratum est, ut per ipsos vicissim aliquot partium adversariarū gradu episcopali moueretur. Atq; illud nos minime præterire debet, vtrāq; partē non propter religionē, sed propter alias causas istas abdicationes decreuisse. Nam tametsi fide dissentiebant, tamen in se ipsis mutuo abdicandis, fidē, alterius, neutiquā insimularunt, sed, qui stabant ab Acacio irā imperatoris, quā cū contra alios, tū contra Macedonia in primis animo conceptā explere nitebantur, tanquā ansam opportune arripientes, primū Macedoniū episcopatus dignitate deiiciūt, tū quod multiplicis cœdis author fuisse, tū quod diaconū in stupro deprehensum receperisset in communionem Eleusum deinde, Cyzici episcopū, quod Heraclium quendā Herculis Tyrii sacerdotē in præstigiis magicis cōpertum baptizauerat, & ad gradū diaconatus extulerat: tū Basiliū, qui & Basilas nominabatur, quiq; Marcelli loco ad episcopatū Ancyrae delectus erat, quod certū hominem tormentis vexauerat, vinculisq; constrictū in carcere cōcluserat, quod calūnias quibusdā contexuerat, deniq; quod per epistolas Africæ ecclesias perturbauerat: deinceps Dracontiu, quod relicta Galatia in Pergamū secesserat. Abdicarunt præterea Neonam episcopū Seleuciae, vbi conciliū habitu fuerat: Sophroniū etiā Pópeiopolis, quæ est in Paphlagonia episcopū: Elpidium Satalorū vrbis Macedoniae episcopū: Cyrillum Hierosolymorum: & alios deniq; ob alias causas. Eustathio autē episcopo Sebastię, quæ est in Armenia, ne sui quidē purgandi dabatur potestas, quod ab Eulanius suo ipius patre, & episcopo Cæsareæ Cappadociæ iam pridem